



原件短缺

P1上半页缺



尚有紛如者何况卷軸盈千河漢無極而讐溫篇籍校練文義使渡河無謬于晉書舉燭靡迂于燕說非王充所云力多而富有者乎文苑英華浩瀚陸離淵儒無所竟其旨碩學不能殫其撰誰暇字析句櫛思其誤以爲適乎予苦此書之訛謬久矣自慙湫學徒附闕疑妄謂

此天之南箕虛而不用地之廣大也容趾之外直爲無用之用耳彭叔夏辯證一書鑿無滯曠往無第道繁學通識非凡士所窺譬探星躔于甘石窮情狀于山海也予披帙涉覽宿昔疑滯一朝消釋雖椎解連環刀決亂絲未足以喻其快矣此書益得之吾

師董見龍先生而先生得之于董太
常者韜閔既久傳寫或譌以得愜素心
晏加考訂原書已闕首簡亦是天球之
一損用以爲憾殺青斯竟當使遺文不
墜于今眇識可衷於古矣嗟乎冥行擿
埴遙以望燭龍之曜渺泛滄波不得遺
津梁之問神姦不若驟以窺夏鼎之鑄
者可以通英華矣

皆

萬曆甲寅孟冬望日閩後學熊祺撰



文苑英華辯證目錄

卷之一

用字一

用字二

用字三

用韻一

用韻二

事證

卷之二

事誤一

事誤二

事疑

人名一

人名二

卷之三

人名三

人名四

人名五

官爵一

官爵二

官爵三

卷之四

郡縣一

郡縣二

郡縣三

年月一

年月二

卷之五

年月三

年月四

名氏一

名氏二

卷之六

名氏三

題目一

題目二

門類

脫文一

卷之七

脫文二

脫文三

脫文四

同異

卷之八

離合

避諱

異域

鳥獸

草木

卷之九

雜錄一

雜錄二

雜錄三

卷之十

雜錄四

雜錄五

目錄終

文苑英華辯證卷之一

宋 廬陵彭叔夏撰

明 綏城熊 祺校

用字一

篇首原闕數行

玉有瑕穢必見於外故君子不隱所短則穢字是○白居易賀雨詩已責寬三農廼用左傳晉悼公已責事謂止逋責也而集本文粹並作責已上文已云下罪已詔此不應又云責已○權德輿李國貞碑人命將泛廼用漢食貨志大命將泛泛方勇反覆

也而集文作沉○此類當以文苑爲正

內不言本題者

所用非一處也

用字二

凡字因疑承訛當是正者○如李邕日賦將開

谷今永言豈覆盆今貽悔閑當作閉見文選曹

植與吳質書閉濛汜之谷○驕陽賦闕名他水皆放此

于土而成妖于當作干見春秋繁露水干土則

大旱○又誓中隅而有請詳上文指廣漢從事

按搜神記諒輔爲廣漢從事夏旱出禱誓至日

中雨不降請以身塞廼積柴將自焚至禺中時

雨大作據此則中隅當作禺中禺淮南子作隅○吳融

沃焦山賦嘉穀蕤蕤五獲何利詳上文言幽并

之墟按管子恒山有穀四種五獲據此則嘉穀

當作嘉穀○賈餗履薄冰賦時刻刻而屢起屢

當作屢禮記弁行剡剡起屨○王澄梓材賦掄

材者杼杼當作杼廣韻杼木工匠或作梓○浩

虛舟王者父事天兄事日賦草邑難窮屢軫南

咳之戀棠陰易匿常思棣萼之華邑或改作昧

非也南陔補亡詩云循彼南陔厥草油油彼居
之子色思其柔則邑當作色○日中爲市賦權
詹於焉積實按漢趙王彭祖傳爲賈人權會師
古曰專權賈人之會若今和市會工外反則權
詹疑作權會○高郢吳公子聽樂賦馬弭毛而
仰秣魚竦鱗而躍浪按左思吳都賦馬弭髦而
仰秣魚竦鱗而上升則毛當作髦竦當作竦○
林慮山人鍾期聽伯牙鼓琴賦納正集邪按白
虎通琴者禁也禁止於邪以正人心也則集當

作禁○梁涉長竿賦有格擇之脩竿按司馬相
如大人賦建格澤之脩竿注格澤氣也格胡各
反澤大各反則擇當作澤○樊晦燕巢賦或在
王筵王筵當作玉竿文選安陸王碑注云有娥
氏取燕覆以玉竿○王起魚銜珠賦得廉寸之
彩廉疑當作兼左思魏都賦明珠兼寸又疑作
度韓詩外傳良珠度寸○又如董思恭日詩滄
海十枝暉見山海經扶桑九日居下枝一日居
上枝而或作滄海十又暉○楊炯謫宴應詔詩

妖星六丈出見漢天文志五殘六賊司詭咸漢

四星並去地可六丈而或作妖星六紋出○王

勃九成宮頌林兵護野方臣啟路臣疑當作神

班固東都賦山靈護野屬御方神篇末第十七頌亦云方神

謹設野○又架千樓而致極致疑當作檄楊雄甘泉

賦檄北極之嶸嶸○劉藏器恤刑策赭衣艾筆

筆疑作畢荀子治古無肉刑而有象刑共艾畢

殺赭衣注畢與鞞同或云古文筆畢通用○薛道衡老氏

碑非纓知耻畫服與慙非一作卬疑當作艸艸

古草字草纓見慎子○王延昌河瀆碑春以

凍秋以涸流涸流當從漢書郊祀志作涸凍○

文墨相望文墨當從國語作文墨五尺為墨○漸邑

麾城漸當作擗音幘舉手擬之也見楊雄長楊

賦○崔太師家廟碑眊眊孝子眊眊疑當作眊

眊音沐謹愿貌見漢書鮑宣傳○權德輿李國

貞碑亂之劇也劇當從集作剡國語舅犯曰大

亂之剡也不可犯也注剡鋒也○張說鄭夫人

誌閨門之訓閨當從集作闔國語文伯之毋闔

門與康子言注闔闕寢門也

闔音薦

○于邵謝賜

甘子狀分甘絕劣按司馬遷傳李陵絕甘分少
今文既顛錯少又作劣恐當云絕甘分少○温
庭筠上杜舍人啟物乘其勢則哇紀畫塗按王
褒傳忽若慧汜畫塗言其易也今訛作哇紀恐
當云慧汜畫塗○此類覽者所宜詳也

用字三

凡字有兩存於義亦通者○如天晴景星見漢
天文志晴當作暉暉精明也○雍時舉燿火史

記漢書作權火而張晏注史記權火音燿周禮
有司燿許氏說文舉火曰燿司馬氏史記索隱
作權火孟康注漢書云狀如井絜皐如淳曰權
舉也○喬潭羣玉山賦登隱空石鎮罔兩賦登
隱空之丘莊子本作隱弁釋文弁符云反又音
紛○賈餗穿楊葉賦謨詬不能以施力莊子本
作喫詬喫口懈反喫詬多力也○李德裕大孤
山賦掩二山而礫豎據郭璞江賦虎牙嶸豎以
屹峩而諸本並作傑○陶洪滅裂禾賦並陵兢

而靡窮據楊雄甘泉賦入凌兢

或云凌陵通用

○陳子

昂陳明經誌顛顛虎頭顛文粹作欽按後漢周
燮欽願注欽或作顛丘凡反而集又作燕願○
此類並仍其舊或注一作

用韻一

凡前人用韻有兩音而不可輒改者○如吳鈞

酬別詩押亮字韻下云七寶雕華裝裝唐韻側

亮反行裝也而藝文類聚改作華杖

翰贈盧司倉詩永

由飭仙裝亦是去聲而或改作仗

○孟浩然送辛大不及詩押

汝字韻上云日暮獨悲余余與予同楚詞日眇

眇兮愁予從上聲讀而集本改作愁緒○李父

贈同行入詩驄馬何嘗驅正用樂府驄馬驅事

驅唐韻區遇反或改爲駐而不知前已押節序

催難駐矣○又如朱休駕幸大學賦各呈材而

切磋唐韻磋七過反而或改作效課楊濤蟻穿

九曲珠賦乍見規行之迂唐韻迂於武反迴曲

貌而一本疑平聲不協韻改作迂尤非○此類

當以文苑爲正

用韻二

唐賦韻數平側次序初無定格今畧舉一二○

有四韻者泰階六符元亨利貞秋月至明周照棠茨呈瑞聖朝

丹甌國有豐年等篇是也○有五韻者五星同色吳天

有成海上五色雲餘霞散成綺金莖日華川上動殘雪明

照積等篇是也○有六韻者止水清審洞澈涵容魍魎

道德仁義希夷信及豚魚聖朝道字微隱善師不陣聖朝威人等

篇是也洪氏容齋續筆乃以唐登科記東郊朝日賦國家行仲之令人鏡賦主聖臣道

光貞指為六韻按文苑所載乃是國家行仲春之命七韻主聖臣忠道光貞八韻蓋登科記

闕此三字耳 ○有七韻者日再中漢文帝時數如此武藝絕

倫弧矢之利威天下觀紫極舞大樂與天地同和等篇是也○

有八韻者今為定格○有九韻者二氣合景星其狀無常

出有道之國事於園丘大儼命有司送

寒氣肅京室 ○有十韻者千秋鏡龍鵠飛如向月秦客

相劒决浮雲清絕塞通題為韻冰壺清如玉壺水諸篇是也

洪氏又云有三韻者引花萼樓以題為韻誤矣按登科記花萼樓賦并序以題為韻今文苑花

萼樓賦以花萼樓賦一首并序為韻皆押八韻凡有五首蓋唐賦所謂以題為韻者或并賦字

押如日中有王字渭水象天河並以題為韻而作賦者并賦字押凡六韻今花萼樓賦一首并

序以題為韻凡八韻非三韻也○其八韻則有四平四側者為今

定格○有三平五側者日月合璧兩曜相合先王候時不差

正時令四時漸差○有五平三側者永將釋和風

既至遲堅白貞虛玉壺永作人之則諸篇是也洪氏又以

試武舉人賦君聖臣肅慎擇多士幽蘭賦遠芳宣耀門觀

襲人悠久不絕金柅賦直而能一斯可制動為為精擇悠久不絕

三平五仄今文苑所載慎直而能一乃四平四

為終古無絕直而能一直而能一乃四平四

記不同與登科○有二平六側者泗濱浮磬美石見

成器圖畫功臣立定爾功○有六平二側者白雲質琢之

無心山川出雲鑿壁偷光將欲貪於諸篇是也麟角之成

洪氏又以旗賦風日雲舒軍容清肅為六平二記必誤

公啟事等篇是也○有平上去入為韻者如三無私山

如空賦三足鳥賦等篇是也洪氏又云自大和

按登科記大和六年試君子之聽音賦以審音後始以八韻為常

合志鏗鏘為韻猶是六韻開成三年試霓裳羽衣曲賦任用韻文苑所載三首第一篇六韻第

事證

凡用事有可以證他本之非者○如楊炯渾天

也然二第三篇皆七韻今云大和後八韻為常未必

賦日應於天相君山由其發難按晉天文志相
君山曰天若如推磨石轉而日西行者其光景
當照此廊下稍而東耳不當拔出去拔出去是
應渾天法也據此則日應於天爲是而文粹廼
以日作候○又影短而多暑影長而多寒按周
禮日南而景短多暑日北而景長多寒諸史志
並同而文粹作影長而多暑影短而多寒○又
執法者廷尉之曹大夫之象按晉志左執法廷
尉之象右執法御史大夫之象而文粹作大臣

之象○又星芒伏鼈按前志旬始其怒青黑色
象伏鼈宋均曰怒謂芒角刺出而文粹作星流
伏鼈○王起禮六宗賦天宗必降按月令祈來
年于天宗注謂日月星辰之詳此賦上文言禮
于三辰則天宗爲是而一本廼作六宗○張九
齡神池頌天根有見曾是不涸按國語天根見
而水涸注天根元天之間寒露後五日朝見而
集本廼作天眼○李庾東都賦至天后朝匪伊
是居於焉逍遙文粹以至天后朝作高祖至于

后朝按東都隋置武德四年廢則天改曰神都
遂居之殆非高祖時也○杜牧李綸氏詩元禮
退歸綸氏學按李膺本穎川人綸氏屬穎川膺
免官歸綸氏教授常千人而集本誤作緱氏○
孫萬壽寄京邑親友詩唐彬不競勤按晉唐彬
知孫皓將至遲留以示不競而隋書本傳載此
詩迺作吾彥不爭勲吾彥本降將初無不爭功
事○白居易澗底松詩金張世祿黃憲賢牛衣
寒賤貂蟬貴黃憲本牛醫兒衣字疑誤而集本作原

憲貧詳上下文黃憲賢是○駱賓王釣磯應詔
文素龜靈也被髮阿門白龍神也挂鱗且網莊
子宋元君夢人被髮闕阿門即白龜也說苑白
龍爲豫且所網而集本以阿門作河津且網爲
且網○蘇頲策汴王文思窮占雨沛經不測其
精微按東觀漢記沛獻王輔善京氏易永平五
年少雨上以易林占之繇曰蟻封穴戶大雨將
至問輔輔曰蟻穴居知雨將至是占雨也而唐
大詔令作沾雨○皮日休秦繆公謚論注文許

里克以汾陽之田百萬不鄭負蔡一作之田七

十萬按國語注百萬百萬畝七十萬七十萬畝

也而文粹以百萬作方百里七十萬作方七十

里○又與人誦之曰佞之不佞國語作佞之見

佞而文粹作候之不候○張說隴右監牧碑第

賞堂邑之山林按東方朔傳堂邑侯尚大長公

主主謂武帝臨妾山林而集粹並作京邑○又

夫其處身則立無跂正也視無還端也聽無聲

成也此語見國語跂作跛聲作聳而成字集粹

作誠國語作成○禁原焚牧禁原見周禮禁原

蠶而集粹作焚原燎牧○張九齡裴光庭碑詳

施稅簡稽之政周禮大司馬施貢分職簡稽鄉

民而集以施作征○梁肅獨孤及行狀惟四布

然後廼歛惟字疑檀弓司徒旅歸四布注謂四方

之賻布而集作待賜布及卒於常州非待賜布乃歛也○此類

當以文苑為正

文苑英華辯證卷之一終

文苑英華辨證卷之二

事誤一

事有訛誤當是正者○如驕陽賦孫武之失謂
梁君之射烏按藝文類聚引莊子太平御覽引
說苑並載梁君欲射白鴈行者駭之君怒欲射
行者公孫龍止矢曰昔先公時大旱卜以人祠
公曰求雨以爲民也言未卒大雨今君以鴈殺
人乎今莊子無此文而劉向新序載之以龍爲
襲以先公爲齊景公非說苑也據此孫武之失

當作孫龍止矢鳥當作鴈○鴻賦既隨軒於良
史按後漢虞國爲日南太守行惠澤有雙鴻隨
軒據此良史當作良吏○薛道衡臨涓源應詔
詩激浪還天河當從初學記作象天河三輔黃
圖涓水貫都象天河○李白西岳靈臺歌身騎
第一龍上天飛當從集作騎二茅龍初學記華
山門載列仙傳呼子先者有仙人持二茅狗來
騎之迺龍也續添○杜甫七哀詩范雲顧其兒
當從集作范曄宋書曄謀反誅將死顧念其兒

也○李德裕與黠曼斯書契徑路之刀舉琉璃
之酒按前漢匈奴傳單于以徑路刀金留犁撓
酒注徑路匈奴寶刀金契金也契刻也留犁飲
匕也琉璃當作留犁○于仲文上隋高祖書虎
貔十萬之衆按隋書本傳云席毗十萬之衆席
毗尉遲迴將也虎貔當作席毗○韓翃爲田神
玉母謝男神功塋賜錢表周顛之親奉子貴登
僕射異勤之母不見生拜司徒時神功爲右僕
射薨贈司徒與周顛爲僕射毋絡秀尚在則同

而與馮勤爲司徒母年八十則異周當作同○
李商隱爲李貽孫上李相公啟屢持寄字信未
皆通敬禮小文頗當留意按陳書庾持好爲奇
字屢持寄字當從集作庾持奇字下對敬禮廼
丁廙字也嘗作小文見文選曹植書○庾信五
張寺經藏碑度河餘獸移關舊村又曰言從楊
僕請謝劉琨琨當作昆用後漢劉昆虎度河事
○蘇頲陝州龍興寺碑睦而奉姊郭奕之儔也
姊當作姊用晉郭奕奉姊事○楊炯楊去盈誌
覽者所宜詳也

事誤二

前人用事元自舛誤而文苑有襲之者○如樊
晦階賦憶趙妃之嬌妬窮漢武之寵慾昭陽特
起麗飾繁縟砌卸黃金階闔白玉按漢成帝爲
趙昭儀居昭陽舍切皆銅沓冒黃金塗白玉階
則非漢武也○又陳后長信獨遭棄捐塵駁紫

蘇庭鋪綠錢望金屋而魂絕對玉階而愁連接
漢武帝陳后退處長門門宮即非長信而成帝班
健仔共養太后長信宮作賦自傷曰華殿塵兮
玉階浴中庭萋兮綠草生賦中正指此事則非
陳后也○又如長門怨詩劉阜云昭陽更漏不
堪聞耿緯唐善作漳云聞道昭陽宴楊衡云望望昭
陽信不來劉媛云愁心和雨到昭陽王貞白云
葉落長門靜又云昭陽歌舞伴昭陽迺趙昭儀
則非陳后長門宮事也○梁范靜妻沈氏昭君

怨詩早信丹青巧重賂洛陽師此指毛延壽也

西京雜記延壽長安杜陵人則非洛陽矣○李

頎鄭櫻桃歌官軍女騎一千匹繁花照耀漳河

春織成花映紅綸巾紅旗掣曳鹵簿新此指后

季龍也鄭櫻桃迺季龍所寵優僮季龍常以女

騎一千爲鹵簿皆着紫綸巾熟錦袴金銀鏤帶

五文織成鞞游于戲馬觀則非織成花紅綸巾

矣○常袞賀日當蝕不蝕表同道相遇當作則

聞昭子之對左傳梓慎曰分同道也至相過也

則非昭子

續添

皮日休相解上善出於性若文

王在毋不憂重耳弱不好弄左傳夷吾弱不好

弄則非重耳

續添

白居易祭烏江十五兄文冉

求斯疾論語伯牛有疾子曰斯人也而有斯疾

也伯牛名耕則非冉求○庾信侯莫陳道生誌

臨晉橫船既擒趙將按韓信臨晉陳船虜魏王

豹其禽趙將迺拔幟事在虜豹後○此類恐作

者之誤

事疑

事有可疑或兩存者○如史宏冰井賦廬陵之

瑞空存三色之名按異物志廬陵城中一井水

二色半青半黃

宋永初山川記同

今作三色○李庾西

都賦配前秦與後趙此言京尹也文粹又作前

王似謂前有趙張後有三王但疑顛錯其文耳

○侯喜秋燕辭巢賦漢落葉兮一作漢案戶兮

續漢禮儀志仲秋之月縣道皆案戶比民大戴

禮漢案戶漢也案戶也者直戶也言正南北也

一作疑是

續添

○劉孝綽上虞鄉亭觀濤詩化

鷄仰季智馴雉推仲康季智仇覽字仲康魯恭
字也化雞一作化鶉疑是化梟仇覽傳化我鳴
梟哺所生○駱賓王疇昔篇五丁卓犖多奇力
四士英靈富文藝此言蜀中也左思蜀都賦江
漢炳靈世載其英蔚若相如皜如君平王褒鞞
鞞而秀發楊雄含章而挺生四士指此一作四
皓恐非益此篇末句又云商山四翁也○崔元
翰請復尊號第三表白武通曰伏羲正五始按
白虎通伏羲因夫婦正五行始定人道今諸本

並作五始疑誤

此表又見柳文亦作五始

○杜牧請追尊號

表武帝之逐北虜四海耗半高宗之伐鬼方三
年廼克尚書班史稱德詠功按鬼方事見周易
既濟未濟二卦今云尚書疑誤

集本同或疑是逸書

○劉

彤論鹽鐵表孝武爲政廐馬三十萬匹後宮數
千萬按貢禹傳孝武取好女數千人以填後宮
今云數千萬疑非○庾信謝趙王脊犀帶啟昔
沈義將盡逢司命而還生士燮行埋值仙人而
更活按三國志杜畿傳注童子謂畿曰司命使

我召子畿固請童子爲求代者今作沈義未詳
士燮迺董奉事亦見三國志注○是儀鬻書衣
判是儀無首族變於勾吳三國志是儀本姓氏
孔融嘲儀氏字民無上故改爲是一本作爲首
非○盧思道爲北齊檄陳文述吳明徹呂梁之
敗及司馬消難奔陳事以史考之明徹呂梁之
敗在周宣政元年先一年周已滅齊後二年消
難方奔陳又明年周禪隋是爲開皇三年伐陳
今旣題作北齊又有我大齊語疑皆當爲隋○

李嶠攀龍臺碑蓄宏圖於綠鶴之鼎綠鶴當作
緣鶴離騷曰緣鵠飾玉后帝具饗后帝殷湯也
伊尹緣烹鵠鳥之羹脩飾玉鼎以事湯湯以爲

相鵠鶴二字通用

說見鳥獸篇

○又龍額武肩有合

良之骨法戴鈴懷斗似高密之容狀額當作顏
合當作合帝王世紀文王龍顏虎肩春秋元命
苞文王四乳是謂合良高密乃禹字亦見世紀
○王勃梓州白鶴寺碑鹽泉錦室家稱三燭之
毫疑當作三蜀之豪蜀都賦家有鹽泉之井又

云三蜀之豪○又廣州寶莊嚴寺碑王堂之居
池郡但舉賢良池疑當作汝事見後漢王堂傳
一作王商非○楊炯隰川令李公誌代恭王之
子郢客爲後按漢代恭王子義嗣其父爲王楚
元王子郢客爲侯今云代恭王子郢客未詳而
集本又云楚代恭王之子郢非客爲侯尤不可
曉○庾信周安昌公夫人鄭氏誌東都言讖司
空爲武衛之官武衛一作玄武按後漢王梁傳
赤伏符曰王梁主衛作玄武玄武水神名司空
水土官也○李商隱祭伏波廟文公孫淵之刺
客淵集作弘俱非疑當作述事見馬援傳○又
祭宣武王尚書文部晉室之嚮練練集作陳俱
非疑當作練_葛也事見王導傳○此類覽者所宜
詳也

人名一

凡用事有人名與他本異不可輕改者○如皇
甫湜醉賦劉靈作酒德頌按文選酒德頌五臣
注臧榮緒晉書劉靈字伯倫顏延之五君詠劉

靈善閉關文中子劉靈古之閉關人也語林天
生劉靈以酒爲名並作靈而唐太宗晉書本傳
作伶故他書通用伶字○盧肇觀雙栢枝舞賦
燕趙慙妍威嬌掩嫖按戰國策晉文公得南威
三日不朝曰後代必有以色亡國者莊子毛嫵
麗姬人之所美也或廼改威作嬪○裴度諸葛
亮祠堂碑故州平心與元直神交謂亮與崔州
平徐庶友善也庶字元直而文粹以故作荆○孫逖
王敬從碑昔萬石君建陵侯皆以訥言敏行稱

爲長者謂石奮衛綰也而或以建陵侯作建慶
○權德輿容州刺史戴叔倫誌西晉則有司農
遂遂字安丘位至大司農處士逵之弟也而集
以遂作逵○此類當以文苑爲正

人名二

其有訛舛當是正者○如楊諫大蜡賦嗤子夏
之來觀夏當作貢禮記子貢觀於蜡曰一國之
人皆若狂子曰賜非爾所知也○劉闢如石投
水賦漢祖興兮昌言納劉侯輔兮皇威震劉當

作留文選運命論張良遭漢祖如以石投水王
起鄒子吹律賦扣角於斯文斯當作師列子鄭
師文及秋而叩角草木發榮○錢起洞庭張樂
賦炎民之頌民當作氏莊子黃帝張樂洞庭有
焱氏爲之頌釋文焱本亦作炎○白行簡斬龍
毀壁賦朱萍焉能施其術萍當作泮莊子朱泮
漫學屠龍○陳章艾人賦類宋則之初來宋當
作宗荆楚歲時記宗則五月五日採艾○陸龜
蒙幽居賦探郅範之智囊郅疑作相魏志曹爽

傳相範赴爽司馬宣王曰智囊往矣

續添

○周

存授衣賦趙將軍授新衣而不遣趙一作相是
晉車騎將軍相冲儉素浴後妻送新衣冲令持
去妻復送之曰衣不經新何緣得故冲笑而服
之○王胄白馬詩昆彌還謝力昆樂府作虎是
左傳狄虎彌所謂有力如虎者也○包何秋菴
詩却笑無公賦臨危滑石間無當作與孫興公
天台山賦踐莓苔之滑石○沈炯勸進梁元帝
表楚人固執燠丹穴以求君藝文類聚同句梁

書南史作越人是莊子越人三世弑其君王子
搜逃乎丹穴不肯出越人薰之以艾乘以王輿
○梁湘東王薦顧協表孔愉表韓伯之才伯梁
書作績俱非當作績晉書隱逸韓績傳孔愉薦
之徵以安車束帛○虞寄諫陳寶應書將軍豈
非張繡罪異盧諶陳書南史通鑑並作畢諶按
魏志曹操爲兗州畢諶爲別駕張邈劫諶母弟
妻子操謝遣之諶頓首無二心旣出遂亡歸及
呂布破諶生得衆爲諶懼操曰夫人孝於親者
豈不亦忠於君乎以爲魯相盧諶廼晉劉琨從
事段匹磾別駕後往投段末波仕於石氏非有
先叛後歸之罪也○薛元超諫皇太子牋晉明
帝之在東宮中庶子溫嶠中舍人劉放按晉書
明帝爲太子溫嶠爲中庶子阮放爲中舍人劉
放廼魏明帝時與孫資並用事者非晉人也○
隋檄陳尚書江總文劉叔納譙周之計而獲存
按蜀後主劉禪用譙周策降魏叔疑當作禪○
棄農判秦陽之蓋一州陽當作楊漢

貨殖傳秦楊以田農而甲一州○家僮視天判
王霸之精才霸一作朔是李廣傳望氣王朔○
李德裕豪俠論爰益善劇孟匿季布季布按漢
書當作季心○權德輿弘崇生策問人疑張祿
詞假葛襲襲當從集作龔事見後漢文苑傳注
○張說洛州張司馬集序晉則三楊藻綴此用
張氏事也晉張載字孟陽弟協字景陽九字季
陽並有才藻屬綴楊當作陽○李華楊騎曹集
序昔許衛尉與徐荐穆友善此言許善心之父

與徐陵也陵字孝穆荐當作孝

續添

○顧況廣

異記序羸姬暴市六日而蘇姬一作謀是事見

左傳○又湯之問旱以語怪旱一作華並非當

作革見列子○權德輿送安南裴中丞序王彥

威之教化當從集作士威三國志士燮字威彥

爲交阯太守○楊炯恒州刺史王公碑北臨洛

汭尚想元亮之墳元亮當從集作元凱元凱杜

預字也其遺令兆城南觀伊洛○張說鄭國夫

人碑周官禮儀資稟宣父之學父當從集作文

晉韋逞母宋氏號宣文君得周官音義○權德輿崔述誌辱安平戴公之知於公獲南宮之眷戴公當從集作戴侯文選潘岳懷舊賦余獲見於父友東武戴侯楊君始見知名遂申之以婚姻謂東武伯楊肇以女妻岳戴其謚也述仲兄安平公實德輿之妻父故有戴侯南宮之語○此類覽者所宜詳也

文苑英華辯證卷之二終

